


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-21	Al-Anbiya'	112	7	Makkiyyah	Ke-73	8





### **Zaman Diturunkan**

Surah al-Anbiya' besar sekali kemungkinannya diturunkan sekitar tahun ke-9 dan ke-10 Kenabian, ia diturunkan di Mekah bersama-sama Surah al-Mu'minin. Ketika itu pelbagai tuduhan dilemparkan kepada Rasulullah s.a.w. bahawa Baginda adalah seorang penyair, seorang pendusta, bukan rasul, tidak lebih daripada manusia biasa dan lain-lain. Dalam keadaan itu, pengetahuan tentang sejarah para nabi dan kedudukan dan jawatan nabi-nabi perlu sekali diketahui, itulah zaman di mana pertentangan di antara ahli tauhid dan ahli syirik berlaku dengan sengit sekali. Kerana itu pada ayat yang terakhir sekali di dalam surah ini, Tuhan sendiri diminta supaya membuat keputusan.

### **Perkaitan Surah Al-Anbiya' Dengan Surah Sebelum Dan Selepasnya**

1. Di dalam Surah Maryam, melalui diskusi dan perbincangan dengan orang-orang Kristian, mereka diseru supaya meninggalkan aqidah tritunggal dan menerima aqidah tauhid yang murni.
2. Di dalam Surah Thaha terdapat diskusi dan perbincangan dengan orang-orang Yahudi dengan mengemukakan sejarah hidup Nabi Musa, mereka juga diseru kepada Islam.
3. Di dalam dua surah sebelum ini, Nabi 'Isa dan Nabi Musa banyak dijadikan sebagai bahan rujukan, di dalam Surah al-Anbiya' ini pula dikemukakan sejarah hidup beberapa orang nabi secara umum dan ringkas. Sejarah hidup Nabi Ibrahim pula disebutkan secara terperinci. Di celah-celah cerita tentang sejarah hidup para nabi itu, manusia diseru supaya beriman kepada Nabi Muhammad yang merupakan رَحْمَةً لِّلْعَالَمِينَ.
4. Di dalam Surah al-Anbiya' orang-orang musyrikin diberi amaran bahawa bumi mereka semakin sempit, orang-orang Islam akan berkuasa.
5. Di dalam Surah al-Hajj nanti, orang-orang Islam dibenarkan berperang untuk mempertahankan diri.

### **Beberapa Kata Kunci Dan Tema Utama Surah**

1. Di dalam Surah al-Anbiya' setelah menyebutkan nama beberapa orang nabi dikatakan semua mereka adalah manusia yang baik dan manusia yang dipilih Allah, wahyu diberikan kepada mereka.

Nabi Musa (Ayat: 48), Nabi Harun (Ayat: 48) Nabi Ibrahim (Ayat: 41) Nabi Ishaq (Ayat: 72) Nabi Ya'qub (Ayat: 72) Nabi Luth (Ayat: 74) Nabi Nuh (Ayat: 76) Nabi Daud (Ayat: 78) Nabi Sulaiman (Ayat: 78) Nabi Ayyub (Ayat: 83) Nabi Isma'il (Ayat: 85) Nabi Idris (Ayat: 85) Zul Kifli (Ayat: 85) Zun Nun Yunus (Ayat: 87) Nabi Zakariya (Ayat: 89) Nabi Yahya (Ayat: 90) 'Isa bin Maryam (Ayat: 91) Rasulullah s.a.w. (Ayat: 107).

2. Di dalam surah ini beberapa nama nabi disebutkan kemudian dinyatakan peribadi dan perjuangan mereka secara ringkas.



(a) Semua nabi adalah manusia, mereka makan dan minum seperti manusia-manusia lain. Mereka juga mati, tiada siapa pun dari mereka yang kekal (Ayat: 8).

وَمَا جَعَلْنَاهُمْ جَسَدًا لَا يَأْكُلُونَ الطَّعَامَ وَمَا كَانُوا خَالِدِينَ ﴿٨﴾

(Ayat: 34).

وَمَا جَعَلْنَا لِبَشَرٍ مِنْ قَبْلِكَ الْخَلْدَ

(b) Semua nabi-nabi itu diberikan wahyu bahawa tiada tuhan yang layak disembah (ilaah) melainkan Allah, kerana itu manusia hendaklah menyembah Allah semata-mata (Ayat: 25).

وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴿٢٥﴾

(c) Semua para nabi dengan kehendak dan perintah Allah telah menjadi pemimpin dan imam kepada umat masing-masing (Ayat: 73).

وَجَعَلْنَاهُمْ أِمَّةً يَهْدُونَ بِأَمْرِنَا

(d) Semua para nabi melakukan kerja-kerja yang baik, mereka bahkan berlumba-lumba mengambil bahagian dalam kerja-kerja kebajikan (Ayat: 73).

وَأَوْحَيْنَا إِلَيْهِمْ فِعْلَ الْخَيْرَاتِ

(Ayat: 90).

إِنَّهُمْ كَانُوا يُسْرِعُونَ فِي الْخَيْرَاتِ

(e) Semua nabi memerintahkan supaya umatnya bershalat dan berzakat dan mereka sendiri melakukannya (Ayat: 73).

وَأَقَامَ الصَّلَاةَ وَآتَى الزَّكَاةَ

(f) Sekalian nabi dan utusan Allah adalah orang-orang yang baik dan shaleh, mereka adalah orang-orang yang tinggi akhlak dan peribadinya (Ayat: 72).

وَكُلًّا جَعَلْنَا صَالِحِينَ ﴿٧٢﴾

(Ayat: 86).

إِنَّهُمْ مِنْ الصَّالِحِينَ ﴿٨٦﴾

(g) Para nabi adalah hamba Allah yang sangat benar dan setia, mereka sangat kuat beribadat (Ayat: 73).



وَكَاثُوا لَنَا عِبْدِينَ ﴿٧٧﴾

(h) Semua nabi-nabi berdoa kehadiran Allah dengan penuh minat dan penuh harapan di samping penuh rasa takut dan gerun kepada Allah (Ayat: 90).

وَيَدْعُونَنَا رَغَبًا وَرَهَبًا

(i) Sekalian nabi-nabi Allah adalah orang-orang yang khusyu'. Khusyu' ialah ketundukan jiwa dan fikiran yang kesan-kesan baiknya ternyata pada jasad dan anggota badan. (Ayat: 90).

وَكَاثُوا لَنَا خَشِيعِينَ ﴿٧٨﴾

(j) Sekalian nabi-nabi adalah contoh dalam kesabaran dan sifat istiqamah, ketika menghadapi keadaan-keadaan yang sulit, sifat sabar dan istiqamah mereka dalam menghadapinya berada di puncak dan mereka berpegang teguh dengan aqidah tauhid (Ayat: 85).

كُلٌّ مِّنَ الصَّابِرِينَ ﴿٨٥﴾

(k) Umat bagi sekalian nabi sama, keluarga mereka juga sama, semuanya hamba-hamba Allah. Para nabi adalah wakil-wakil dan duta-duta dalam kerajaan Allah.

### 3. Rasulullah s.a.w. diperolok-olokkan dan dipermain-mainkan.

(a) Orang-orang musyrikin bila saja melihat Rasulullah, memperolok-olokkan Baginda dengan berkata: "Inilah dia orang yang memburuk-burukkan tuhan kita" (Ayat: 36).

وَإِذَا رَأَوْكَ الَّذِينَ كَفَرُوا إِذَا يَتَخَذُونَكَ إِلَّا هُزُوءًا أَهْذَاءَ الَّذِي يَذْكُرُ آلِهَتَهُمْ

(b) Rasulullah s.a.w. diberikan تسليية dan ditenangkan jiwanya dengan dikatakan rasul-rasul terdahulu juga diperolok-olokkan (Ayat: 41).

وَلَقَدْ أَسْتَهْزِئَ بِرُسُلٍ مِّن قَبْلِكَ فَحَاقَ بِالَّذِينَ سَخِرُوا مِنْهُمْ مَا كَانُوا بِهِ يَسْتَهْزِئُونَ ﴿٤١﴾

### 4. Rasulullah dituduh dengan pelbagai tuduhan.

(a) Orang-orang musyrikin Mekah merendah-rendahkan Rasulullah dengan kata mereka: "Dia seperti orang-orang lain, tidak lebih daripada seorang manusia" (Ayat: 3).

هَلْ هَذَا إِلَّا بَشَرٌ مِّثْلُكُمْ

(b) Apabila mendengar wahyu yang disampaikan oleh Rasulullah, orang-orang musyrikin berkata: "Ini tidak lebih daripada mimpi-mimpi yang mengarut" (Ayat: 5).

بَلْ قَالُوا أَضْغَتْ أَحْلَامٌ



(c) Rasulullah dituduh telah mencipta dan mereka al-Qur'an (Ayat: 5).

بَلْ أَفْتَرْتَهُ

(d) Antara tuduhan yang dilemparkan kepada Baginda ialah Baginda seorang penyair (Ayat: 5).

بَلْ هُوَ شَاعِرٌ

(e) Jawapan kepada orang-orang musyrikin diberikan bahawa tidak ada seorang rasul pun yang tidak memerlukan kepada makan dan minum dan tidak ada seorang rasul pun yang hidup kekal (Ayat: 8).

وَمَا جَعَلْنَاهُمْ جَسَدًا لَا يَأْكُلُونَ الطَّعَامَ وَمَا كَانُوا خَالِدِينَ ﴿٨﴾

#### 5. Salah satu tujuan utama kejadian alam semesta dan kejadian manusia.

Salah satu tujuan manusia dicipta ialah untuk menguji mereka dengan kebaikan dan keburukan, manusia diberi kebebasan memilih antara yang baik dan yang buruk.

(a) Di dalam Surah al-Anbiya' dinyatakan bahawa kejadian langit dan bumi bukanlah untuk Allah bermain-main dengannya bahkan ia sesuai dengan kehendak Allah yang penuh dengan hikmat (Ayat: 16).

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا لَإِغْوٍ ﴿١٦﴾

(b) Tujuan manusia dicipta adalah untuk mengujinya dengan kebaikan dan keburukan. Ia akan menghadapi kesukaan dan kesedihan, setelah mati dia akan diminta menjawab tentang segala tanggungjawab yang diberikan kepadanya (Ayat: 35).

كُلُّ نَفْسٍ ذَائِقَةُ الْمَوْتِ وَنَبْلُوكُم بِالشَّرِّ وَالْخَيْرِ فِتْنَةً وَإِلَيْنَا تُرْجَعُونَ ﴿٣٥﴾

#### 6. Satu perkara ajaib telah didedahkan berkenaan dengan kejadian langit dan bumi.

Satu pendedahan ajaib telah dikemukakan tentang kejadian langit dan bumi bahawa kedua-duanya pada asalnya bercantum kemudian ia dipisahkan oleh Allah. Alangkah sesuainya pendedahan yang dibuat 1,400 tahun yang lalu dengan teori Big Bang yang dikemukakan oleh saintis moden (Ayat: 30).

أَوَلَمْ يَرَ الَّذِينَ كَفَرُوا أَنَّ السَّمَوَاتِ وَالْأَرْضَ كَانَتَا رَتْقًا فَفَتَقْنَاهُمَا

#### 7. Pendedahan yang menakjubkan tentang air.

Pendedahan yang menakjubkan tentang air terdapat di dalam surah ini bahawa Allah menjadikan setiap hidupan daripada air, kerana itu manusia dituntut supaya beriman kepada Allah (Ayat: 30).

وَجَعَلْنَا مِنَ الْمَاءِ كُلَّ شَيْءٍ حَيٍّ أَفَلَا يُؤْمِنُونَ ﴿٣٠﴾